

বন্দে-বাণী ।

ক'চি পাতা নিয়ে এসেছে সাজিয়ে  
 প্রকৃতি-সুন্দরী ধরায় আজ ।  
 বসন্ত-পরশে সুমধুর হেসে  
 ফুটেছে কুসুম ছাড়িয়া লাজ ।  
 রবি শশী তারা হয়ে আশ্রয়  
 বিতরে কিরণ নীলিম-নভে ।  
 যে দিকে নিরখি সব দিকে পাখী  
 উড়িয়া বেড়ায় মিলিয়া সবে ।  
 ধীরে ধীরে বয় মৃদুল মলয়  
 কোকিল গাহিছে আপন মনে ।  
 সকল ভুবনে এসেছে গোপনে  
 কি বারতা কেহ নাহিকো জানে ।  
 তাই মোর হৃদি-ভারে মধুর বাক্যে  
 উঠেছে কত বিচিত্র রাগিনী—  
 তাই আজি বিশ্বমাঝে । আনন্দ বিরাজে—  
 পূজিতে ঐ শতদলবাসিনী ।  
 এস মা জননি ! বিদ্যা-বিধারিনী  
 সঙ্গীত-সাগর-সুধার রাশি ।  
 কমল-আসনে কমল-ভূষণে  
 মরাল-আসনে ব'স মা আসি ।  
 কানন ভ্রমিরা এনেছি তুলিয়া  
 কত না কুসুম ভরিয়া ডালি ।  
 ভক্তি-নত মনে তোমার চরণে  
 সবাই মিলি দিতে পুষ্পাঞ্জলি ।  
 প্রসন্ন-আননে অবোধ সন্তানে  
 কোলে তুলে ল'ও বারেক হালি ।

